

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова
Управа полиције

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

INFORMACIJA
O AKTIVNOSTIMA UPRAVE POLICIJE
MINISTARSTVA UNUTRAŠNJIH POSLOVA KANTONA SARAJEVO
ZA OKTOBAR 2023. GODINE

1.KRIMINALITET

1.1. STATISTIČKI POKAZATELJI

U oktobru 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 332 događaja s obilježjem krivičnog djela (30 ili 9,9% više u odnosu na isti mjesec prethodne godine).

Od ukupnog broja registrovanih događaja s obilježjem krivičnog djela, 158 ili 47,6% je evidentirano po poznatom izvršiocu, a 174 ili 52,4% po nepoznatom izvršiocu.

Od ukupno 174 događaja s obilježjem krivičnog djela evidentiranih po nepoznatom izvršiocu, naknadno je rasvijetljeno 89 događaja ili 51,1%, što je za 3,4% više u odnosu na uporedni mjesec.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA
U OKTOBRU 2023/22. GODINE

mjesec	Broj događaja s obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
OKTOBAR 2023. GODINE	332	158	174	89	48	228	1	144	104	
OKTOBAR 2022. GODINE	302	149	153	73	34	205	4	107	68	
<i>usporedba</i>	+/-	30	9	21	16	14	23	-3	37	36
	%	9,9%	6%	13,7%	21,9%	41,2%	11,2%	-75%	34,6%	52,9%

Tokom oktobra ove godine prijavljeno je 228 osoba (23 više), od kojih su 144 povratnika (37 više) ili 63,1% od ukupnog broja prijavljenih, jedan maloljetnik (tri manje), a 104 osobe su lišene slobode (36 više).

Za događaje s obilježjem krivičnog djela, koji su evidentirani u oktobru 2023. godine, prema izjavama oštećenih, nastupila je materijalna šteta u ukupnom iznosu od 414.739,00 KM, 44.835,00 EUR, 2.825,00 USD, 1.800,00 RUB, 100,00 AUD, 100,00 CAD, 120,00 CHF, 15.200,00 RSD i 20,00 TRY. (u istom mjesecu prethodne godine materijalna šteta je iznosila 636.599,00 KM).

U oktobru 2023. godine Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 151 obavijest o događajima u kojima je pričinjena nezatna materijalna šteta (88 manje), od čega je sedam naknadno rasvijetljeno (tri više) i prosljeđeno tužilaštvu pod brojem iz krivičnog upisnika, kao događaj s obilježjem krivičnog djela.

TABELARNI PREGLED DOGAĐAJA S OBILJEŽJEM KRIVIČNOG DJELA U OKTOBRU 2023/22. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZ BiH

KZ FBiH-a i KZ BiH-a	OKTOBAR 2023. GODINE	OKTOBAR 2022. GODINE	usporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	1	0	1	---	0	1	0	0%
Protiv života i tijela	19	35	-16	-45,7%	15	4	3	75%
Protiv slobode i prava čovjeka i građanina	19	36	-17	-47,2%	18	1	2	200%
Protiv spolne slobode i morala	2	1	1	100%	0	2	2	100%
Protiv braka, porodice i mladeži	45	23	22	95,7%	45	0	0	---
Protiv zdravlja ljudi	24	20	4	20%	24	0	0	---
Protiv privrede, poslovanja i sigurnosti platnog prometa	0	1	-1	---	0	0	0	---
Protiv imovine	176	149	27	18,1%	17	159	74	46,5%
Protiv opće sigurnosti ljudi i imovine	9	10	-1	-10%	6	3	3	100%
Protiv sigurnosti javnog prometa	12	11	1	9,1%	12	0	0	---
Protiv pravosuđa	1	1	0	0%	1	0	0	---
Protiv javnog reda i pravnog prometa	17	5	12	240%	13	4	5	125%
Protiv podmićivanja i KD protiv službene i druge odgovorne funkcije	2	3	-1	-33,3%	2	0	0	---
Krivična djela protiv privrede i jedinstva tržišta te krivična djela iz oblasti carina (KZ BiH)	0	1	-1	---	0	0	0	---
Dogovor, pripremanje, udruživanje i organizirani kriminal (KZ BiH)	0	5	-5	---	0	0	0	---
Protiv čovječnosti i vrijednosti zaštićenih međunarodnim pravom (KZ BiH)	2	0	2	---	2	0	0	---
ZONDINOIM-a (Sl.novine Kantona Sarajevo br.01/18)	3	1	2	200%	3	0	0	---
UKUPNO	332	302	30	9,9%	158	174	89	51,1%

TABELARNI PREGLED BROJA DOGAĐAJA S OBILJEŽJEM KRIVIČNOG DJELA EVIDENTIRANIH PO POZNATOM I NEPOZNATOM
IZVRŠIOCU NA PODRUČJU KANTONA SARAJEVO U OKTOBRU 2023. GODINE

Organziaciona jedinica	Organizacione jedinice UP u sjedištu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
UKUPAN BROJ DOGAĐAJA S OBILJEŽJEM KRIVIČNOG DJELA	32	15	51	56	69	56	18	14	21	332
BROJ DOGAĐAJA PO POZNATOM IZVRŠIOCU	28	2	24	19	25	31	10	13	6	158
BROJ DOGAĐAJA PO NEPOZNATOM IZVRŠIOCU	4	13	27	37	44	25	8	1	15	174

PREGLED NAKNADNO RASVIJETLJENIH DOGAĐAJA S OBILJEŽJEM KRIVIČNOG DJELA
EVIDENTIRANIH PO NEPOZNATOM IZVRŠIOCU U OKTOBRU 2023. GODINE

org. jedinica	Org. jedinice UP u sjedištu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
Ukupno broj naknadno rasvijetljenih događaja prijavljenih po nepoznatom izvršiocu	0	9	16	25	18	11	3	0	7	89
naknadno rasvijetljeni događaji evidentirani u izvještajnom mjesecu	0	7	6	6	10	4	1	0	7	41
naknadno rasvijetljeni događaji evidentirani u ranijem periodu	0	2	10	19	8	7	2	0	0	48

1.2. PREGLED DOGAĐAJA S OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Evidentirano je 19 događaja s obilježjem krivičnog djela iz oblasti protiv života i tijela (16 manje), i to 15 po poznatom i četiri po nepoznatom izvršiocu. Evidentirani su:

- ubistvo (član 166. KZ FBiH) – jedan (dva manje),
- ubistvo u pokušaju (član 166. u vezi člana 28. KZ FBiH) – dva (jedan više),
- teška tjelesna ozljeda (član 172. KZ FBiH) – šest (šest manje),
- lahka tjelesna ozljeda (član 173. KZ FBiH) – deset događaj (sedam manje).

Nadležnom tužilaštvu podneseni su službeni izvještaji protiv 14 osoba, od kojih je sedam povratnika (50%), a šest je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 19 događaja s obilježjem krivičnog djela (16 manje), i to ugrožavanje sigurnosti – 18 i protupravno lišenje slobode – jedan događaj, za čije je izvršenje prijavljeno 20 osoba, od kojih je 12 povratnika (ili 60%), a četiri su lišene slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 45 događaja s obilježjem krivičnog djela (22 više), i to: nasilje u porodici – 44 i zapuštanje djeteta ili maloljetnika - jedan događaj, za čije izvršenje je prijavljeno 49 osoba, od kojih je 21 povratnik (42,9%), a 33 su lišene slobode.

Događaji s obilježjem krivičnog djela nasilje u porodici evidentirani su na području općina: Ilidža – 13, Novo Sarajevo i Novi Grad – po osam, Vogošća i Hadžići – po šest, Centar – dva i Ilijaš - jedan događaj.

PROTIV ZDRAVLJA LJUDI

Evidentirana su 24 događaja s obilježjem krivičnog djela iz ove oblasti (četiri više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – šest (pet više) i
- posjedovanje i omogućavanje uživanja opojnih droga (čl. 239. KZ FBiH) – 18 događaja (jedan manje).

Nadležnom tužilaštvu podneseni su službeni izvještaji protiv 25 osoba, među kojima je 16 povratnika (64%) i 19 osoba je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv sedam lica zbog postojanja osnova sumnje da su u proteklom periodu u više navrata kupovali opojnu drogu *marihuanu*, *amfetamin*, *kokain* od za sada nepoznatih lica, na raznim lokalitetima, istu čuvali u stanu i prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlaštena proizvodnja i stavljanje u promet opojnih droga)**, a protiv 18 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (*marihuana*, *heroin*, *amfetamin*, itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

PREGLED ODUZETE KOLIČINE OPOJNIH DROGA U OKTOBRU 2023/22. GODINE

VRSTA OPOJNE DROGE	OKTOBAR 2023.GODINE	OKTOBAR 2022. GODINE
Marihuana (u gramima)	17.045,577	256,117
Marihuana (paketići)	25	27
Heroin (u gramima)	---	1
Heroin (paketići)	4	3
Amfetamin (paketići)	12	10
Amfetamin (u gramima)	8.009,816	620
Ecstasy (tablete)	16	---
Hašiš (u gramima)	---	2
Hašiš (paketići)	---	1
Speed (paketići)	19	1
Speed (u gramima)	---	1,959
Kanabis (stabljika)	102	---
Kokain (u gramima)	200	---
Kokain (paketići)	---	1
pribor sa ostacima droge i ostalo (komada)	80	5

Policijski službenici Uprave policije MUP-a Kantona Sarajevo su u oktobru 2023. godine realizovali policijsku akciju kodnog naziva „FENIX“, a u saradnji s policijskim službenicima MUP-a RS i OSA-e policijsku akciju kodnog naziva „HORNET“. Tom prilikom slobode su lišena tri lica, pronađena je i zaplijenjena veća količina opojnih droga (cca 17 kg marihuane, cca 8 kg amfetamina, itd.), zatim vatreno oružje, municija, novac, mobiteli.

PROTIV IMOVINE

Evidentirano je 176 događaja s obilježjem krivičnog djela protiv imovine (17 po poznatom i 159 po nepoznatom izvršiocu), što je za 27 ili 18,1% više u odnosu na isti mjesec prošle godine. Iz ove oblasti najbrojniji događaji s obilježjem krivičnog djela su:

- teška krađa (član 287. KZ FBiH) – 70 (pet manje), od čega su tri teške krađe na naročito opasan ili naročito drzak način (član 287. KZ FBiH stav (1) tačka b) (isto),
- krađa (član 286. KZ FBiH) – 46 (deset više),
- oštećenje tuđe stvari (član 293. KZ FBiH) – 26 (pet više),
- razbojništvo (član 289. KZ FBiH) – 19 (11 više),
- utaja (član 290. KZ FBiH) – šest (tri više),
- prijevarena (član 294. KZ FBiH) – tri (isto), itd.

Nadležnom tužilaštvu podneseni su službeni izvještaji protiv 78 osoba, od kojih je 61 povratnik (78,2%), a 24 su lišene slobode.

Od ukupno 159 događaja evidentiranih po nepoznatom izvršiocu iz oblasti protiv imovine **naknadno su rasvijetljena 74 događaja ili 46,5%**, što je za 3,5% više u odnosu na oktobar 2022. godine.

Tokom oktobra ove godine, 21 teška krađa izvršena je u stambene objekte (jedna manje), 14 u motorna vozila - otuđenja motornih vozila i “provale” u ista (šest manje), 11 u poslovne prostorije (15 manje), 11 na ulici (osam više), itd.

U oktobru ove godine **otuđeno je šest putničkih motornih vozila** (jedno više). Također, u oktobru 2023. godine, pronađena su i **vraćena dva motorna vozila** od strane policijskih službenika Uprava policije MUP-a KS. Zbog postojanja osnova sumnje da je učestvovao u otuđenju motornih vozila nadležnom tužilaštvu podnesen je službeni izvještaji protiv jedne osobe.

Evidentirano je 46 događaja s obilježjem krivičnog djela krađe (deset više) i to: na ulici – 23 puta, u poslovnim prostorima – deset, u stambenim objektima – šest, vozilima i stajalištima GRAS-a – dva, itd. odakle su otuđivani mobiteli, novčanici, prehrambeni proizvodi, bicikli, kozmetika, itd.

Evidentirana su **tri događaja** s obilježjem krivičnog djela **teških krađa na naročito opasan ili naročito drzak način** (četiri manje), u kojima su izvršiocu, upotrebom fizičke snage (otimanjem i trganjem) otuđili nakit, na ulici dva puta i u poslovnom prostoru - jednom.

Nadležnom tužilaštvu podneseni su službeni izvještaji protiv tri osobe, povratnika u činjenju krivičnih djela, koji su lišeni slobode.

U oktobru ove godine evidentirano je **19 događaja** s obilježjem krivičnog djela **razbojništva** (11 više) po nepoznatom izvršiocu i to u nadležnosti slijedećih organizacionih jedinica: PU Novo Sarajevo - šest (četiri više), PU Stari Grad – pet (nije bilo), Sektor kriminalističke policije – tri (dva više), PU Ilidža - dva (jedan manje), PU Novi Grad - jedan (isto) i PU Hadžići i Trnovo – jedan događaj (isti broj). Nadležnom tužilaštvu podneseni su službeni izvještaji protiv šest osoba, povratnika u činjenju krivičnih djela, a pet je lišeno slobode. Od ukupno 19 događaja razbojništava evidentiranih po nepoznatom izvršiocu, naknadno je rasvijetljeno deset ili 52,6%, što je za 7,4% manje u odnosu na uporedni mjesec. Razbojništva su izvršena prijetnjom upotrebe pištolja – šest, prijetnjom upotrebe noža ili drugog oštrog predmeta - 12 i upotrebom fizičke snage – jednom, a počinjena su na ulici – osam puta, u poslovnim prostorima – pet, na benzinskim pumpama - tri, u haustorima stambenih zgrada – dva i u stanu – jednom, pri čemu je otuđen novac, cigarete, nakit i mobiteli.

PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (jedan manje) i to: izazivanje opće opasnosti – sedam i nesavjesno čuvanje pasa i drugih opasnih životinja - dva događaja, a nadležnom tužilaštvu podneseni službeni izvještaji protiv šest osoba, od kojih su tri povratnika (50%) i dva su lišena slobode.

PROTIV JAVNOG REDA I PRAVNOG PROMETA

U ovoj oblasti evidentirano je 17 događaja s obilježjem krivičnog djela (12 više) i to: nasilničko ponašanje – šest, krivotvorenje isprave – četiri, nedozvoljene držanje oružja ili eksplozivnih materija – tri, sprečavanje službene osobe u vršenju službene radnje i napad na službenu osobu u vršenju poslova sigurnosti – po dva događaja. Nadležnom tužilaštvu podneseni su službeni izvještaji protiv 21 osobe, od kojih je 12 povratnika, a devet je lišeno slobode.

1.3. DOGAĐAJI S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI

U oktobru 2023. godine evidentiran je jedan događaja s obilježjem krivičnog djela, u kojem je učestvovala jedna maloljetna osoba. U odnosu na isti mjesec 2022. godine, smanjen je broj maloljetnika za tri ili 75%, a broj događaja s obilježjem krivičnog djela za dva ili 66,7%.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U OKTOBRU 2023/2022. GODINE

Mjesec	Broj događaja sa obilježjem krivičnog djela	Broj evidentiranih maloljetnih lica	Broj povratnika
OKTOBAR 2023. GODINE	1	1	1
OKTOBAR 2022. GODINE	3	4	1
Usporedba	-2 ili 66,7%	-3 ili 75%	Isto

TABELARNI PREGLED DOBNE STRUKTURE PRIJAVLJENIH MALOLJETNIH IZVRŠILACA U OKTOBRU 2023/2022. GODINE

Mjesec	do 14 godina	od 14 do 16 godina	od 16 do 18 godina	Ukupno
OKTOBAR 2023. GODINE	0	0	1	1
OKTOBAR 2022. GODINE	0	4	0	4
Usporedba	---	-4	1	-3 ili 75%

1.4. OSTALA PROTIVPРАВNA I ASOCIЈALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku oktobra 2023. godine na području Kantona Sarajevo evidentirana su dva događaja aktiviranja minsko-eksplozivnih sredstava (jedan manje), usljed čega je nastupila materijalna šteta. Nadležnom tužilaštvu dostavljen je jedan službeni izvještaj.

Nije bilo evidentiranih slučajeva anonimnih dojava o postavljenoj eksplozivnoj napravi (dvije u oktobru 2022. godine).

1.4.2. POŽARI

Tokom oktobra 2023. godine, na području Kantona Sarajevo registrovano je osam požara (šest manje), u kojima su dvije osobe teško, a četiri lakše povrijeđene. Požari su registrovani na području općina: Ilidža - tri, Novo Sarajevo - dva, Stari Grad, Centar i Ilijaš - po jedan požar.

Prema pokazateljima, dva požara su izazvana namjerno, dva nehatom, dva zbog tehničkih nedostataka, dok uzroci dva požara spadaju u kategoriju ostalih. Požari su registrovani u:

- stambenom objektu - četiri puta,
- saobraćajnom sredstvu - tri,
- ostalim objektima - jednom.

Zbog izazivanja požara nadležnom tužilaštvu podnesen je jedan službeni izvještaj iz člana 301. KZ FBiH (paljevina).

SAMOUBISTVA

U oktobru 2023. godine na području Kantona Sarajevo registrovana su dva samoubistava (pet manje).

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pištolja, tri puške, četiri noža, 58 komada municije različitog kalibra i dva predmeta podobna za nanošenje tjelesnih ozljeda.

Fizičkim licima izdato je 236 odobrenja za nabavku vatrenog oružja i 203 oružna lista.

2. ЈAVNI RED I MIR

U toku oktobra 2023. godine iz oblasti javnog reda i mira evidentirano je 312 prekršaja (150 ili 32,5% manje), a za izvršenje navedenih prekršaja prijavljeno je 348 osoba (128 ili 26,9% manje), od čega je 60 povratnika u činjenju prekršaja.

Zbog učinjenih prekršaja u oblasti javnog reda i mira izdata su 227 naloga i podneseno je 81 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 295 prekršaja (94,6%), a na prekršaje koji su utvrđeni odlukom općinskih vijeća o javnom redu i miru 17 (5,4%).

Od ukupnog broja prijavljenih, prema starosnoj strukturi učinilaca prekršaja, najbrojniji su u dobi preko 36 godina (188), između 19 i 25 godina (79), između 26 i 35 godina (77) i do 18 godina (četiri).

Prilikom narušavanja javnog reda i mira u mjesecu oktobru 2023. godine, nije bilo teže povrijeđenih lica (isto kao u oktobru 2022. godine), dok je sedam lica (pet manje) lakše povrijeđeno.

TABELARNI PREGLED EVIDENTIRANIH PREKRŠAJA IZ OBLASTI JAVNOG REDA I MIRA ZA
OKTOBAR 2023/2022. GODINE

mjesec	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	JZS	ukupno
oktobar 2023.	79	80	31	52	26	22	12	3	7	312
oktobar 2022.	35	145	69	79	54	20	29	18	13	462
usporedba	44 ili 125,7%	-65 ili 44,82	-38 ili 55,1%	-27 ili 34,2%	-28 ili 51,8%	2 ili 10%	-17 ili 58,6%	-15 ili 83,3%	-6 ili 46,1%	-150 ili 32,5%

Iz tabelarnog pregleda vidljivo je da je najveći broj prekršaja evidentirano u PU Centar (80 ili 25,6% od ukupnog broja), a najmanje u PU Ilijaš – tri prekršaja.

U toku oktobra 2023. godine, u odnosu na isti mjesec 2022. godine smanjen je broj evidentiranih prekršaja u svim policijskim upravama, osim u PU Stari Grad gdje je evidentirano povećanje za 44 prekršaja (ili 125,7%) i PU Hadžići i Trnovo za dva prekršaja (ili 10%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA OKTOBAR 2023/2022.GODINA

PREKRŠAJI IZ ZAKONA O JRIM:	OKTOBAR 2023.	OKTOBAR 2022.	+ - %
-Tuče	42	40	2 ili 5%
-Naročito drsko ponašanje	53	42	11 ili 16,2%
-Odbijanje naređenja i omalovaž. pol. služb.	27	29	-2 ili 6,9%
-Prosjačenje	63	181	-118 ili 65,2
-Svađa, vika, nepristojno ponašanje	11	12	-1 ili 8,3%
-Uživanje opojne droge na javnom mjestu	49	41	8 ili 19,5%
-Ostali prekršaji iz Zakona o JRiM	50	78	-28 ili 35,9%
Prekršaji prema Odluci općinskog vijeća o JRiM	17	39	-22 ili 56,4%
ukupno	312	462	-150 ili 32,5%

Tokom oktobra 2023. godine, u odnosu na oktobar prethodne godine, prema strukturi prekršaja smanjen je broj:

- prosjačenja za 118 ili 65,2%,
- ostali prekršaji za 28 ili 35,9%,
- prekršaji koji su regulisani odlukom općinskih vijeća za 22 ili 56,4%,
- odbijanje naređenja i omalovažavanje policijskih službenika za dva ili 6,9% i
- svađa, vika, nepristojno ponašanje za jedan (ili 8,3%) prekršaj,

dok je povećan broj prekršaja:

- naročito drsko ponašanje za 11 ili 16,2%,
- uživanja opojne droge na javnom mjestu za osam ili 19,5% i
- tuča za dva (ili 5%) prekršaja.

Prema mjestu izvršenja, najveći broj prekršaja evidentiran je na ulici, trgovima, putevima i drugim otvorenim prostorima 296 (95%), a znatno manje na ostalim mjestima 13 (4,2%) i u ugostiteljskim objektima tri prekršaja (1%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA OKTOBAR 2023/2022. GODINE

MJESTO IZVRŠENJA	OKTOBAR 2023.	OKTOBAR 2022.	uporedba
Ulice, trgovci, putevi i drugi otvoreni prostori	296	439	-143 ili 32,6%
Ugostiteljski objekti	3	8	-5 ili 62,5%
Škole i školska dvorišta	0	1	-1
Trgovinske i zanatske radnje	0	1	-1
Ostala mjesta	13	13	isto
UKUPNO	312	462	-150 ili 32,5%

U odnosu na isti mjesec 2022. godine, smanjen je broj evidentiranih prekršaja i to: na ulicama, trgovima, putevima i drugim otvorenim prostorima za 143 ili 32,6%, u ugostiteljskim objektima za pet ili 62,5%, u školama i školskim dvorištima i u trgovinskim i zanatskim radnjama za po jedan prekršaj, dok je broj prekršaja na ostalim mjestima isti.

Na području Kantona Sarajevo u oktobru 2023. godine održano je 385 javnih skupova (193 ili 100,5% manje). Policijski službenici Uprave policije proveli su planske aktivnosti za bezbjedno održavanja javnih skupova i izvršili 63 KDZ osiguranja.

3. SAOBRAĆAJ

Na području Kantona Sarajevo u oktobru 2023. godine registrovane su 933 saobraćajne nezgode (14 ili 1,5% više), od čega je 850 s materijalnom štetom (isto kao u oktobru prošle godine) i 83 s nastradalim osobama (14 ili 20,3% više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U OKTOBRU 2023/22. GODINE

	oktobar 2023	oktobar 2022	usporedba
UKUPNO SAOBRAĆAJNIH NEZGODA	933	919	+ 14 ili 1,5 %
Saobraćajne nezgode sa nastradalim licima	83	69	+ 14 ili 20,3 %
Saobraćajne nezgode sa materijalnom štetom	850	850	-----
POGINULO LICA	1	0	+ 1
- vozači	1	0	+ 1
-putnici	0	0	-----
- pješaci	0	0	-----
POVRIJEĐENO LICA	109	91	+ 18 ili 19,8 %
- vozači	59	45	+ 14 ili 31,1 %
- putnici	33	28	+ 5 ili 17,8 %
- pješaci	17	18	- 1 ili 5,5 %

Saobraćajne nezgode evidentirane su na području sljedećih općina: Novi Grad - 268, Centar - 266, Novo Sarajevo - 192, Ilidža - 91, Stari Grad - 39, Vogošća - 25, Ilijaš - 24, Hadžići - 23 i Trnovo - pet saobraćajnih nezgoda.

TABELARNI PREGLED BROJA SAOBRAĆAJNIH NEZGODA PO OPĆINAMA U OKTOBRU 2023/22. GODINE

mjesec	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
oktobar 2023	39	266	192	268	91	23	5	25	24	933
oktobar 2022	33	189	172	266	195	15	4	25	20	919
usporedba	+ 6 ili 18,2 %	+ 77 ili 40,7 %	+ 20 ili 11,6 %	+ 2 ili 0,7 %	- 104 ili 53,3 %	+ 8 ili 53,3 %	+ 1 ili 25 %	isti broj	+ 4 ili 20 %	+ 14 ili 1,5 %

U naselju je registrovano 875 saobraćajnih nezgoda (jedna s poginulim, 71 s povrijeđenima i 803 s materijalnom štetom), van naselja 58 nezgoda (11 s povrijeđenima i 47 s materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U OKTOBRU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
U naselju	1	8	63	803	875	1	10	85
Van naselja		3	8	47	58		3	11
Ukupno	1	11	71	850	933	1	13	96

Prema **kategoriji puta**, najveći broj saobraćajnih nezgoda registrovan je:

- na ulicama u naselju - 706 nezgoda u kojima su 73 osobe nastradale (jedna osoba poginula, 72 povrijeđene: devet teže i 63 lakše),
- na magistralnim putevima - 79 (13 osoba povrijeđeno: dvoje teže i 11 lakše),
- na lokalnim putevima - 94 (11 osoba povrijeđeno: jedno teže i 10 lakše),
- na regionalnim putevima - 44 (12 osoba povrijeđeno: jedno teže i 11 lakše),
- na putevima koji se ubrajaju u kategoriju ostalih - 10 (jedna osoba lakše povrijeđena).

POSLJEDICE SAOBRAĆAJNIH NEZGODA

Tokom oktobra 2023. godine, u saobraćajnim nezgodama na području Kantona Sarajevo nastradalo je 110 osoba (19 ili 20,9% više). Jedna osoba je poginula (u istom mjesecu prošle godine nije bilo poginulih lica), dok je 109 povrijeđeno (18 ili 19,8% više), od čega 13 teže (jedno ili 7,1 %manje) i 96 lakše (19 ili 24,7% više).

POGINULI U SAOBRAĆAJNIM NEZGODAMA

Dana 20.10.2023. godine, u ulici Obala Kulina Bana (općina Centar), smrtno je stradao vozač (56 godina).

POVRIJEĐENI U SAOBRAĆAJNIM NEZGODAMA

Od ukupno 109 povrijeđenih, evidentirano je: 59 vozača (devet teže i 50 lakše), 33 putnika (jedan teže i 32 lakše) i 17 pješaka (tri teže i 14 lakše).

Starosna struktura nastradalih u saobraćajnim nezgodama:

- ispod šest godina - dva,
- od 6 do 14 godina - četiri,
- od 15 do 17 godina - sedam,
- od 18 do 20 godina - 10,
- od 21 do 24 godine - sedam,
- od 25 do 30 godina -17,
- od 31 do 40 godina - 23,
- od 41 do 50 godina -17,
- od 51 do 65 godina - 17,
- 66 i više godina - četiri,
- nepoznata starosna dob - dva lica.

Starosna struktura nastradalih vozača u saobraćajnim nezgodama:

- od 18 do 23 godine - osam,
- od 23 do 30 godina – 13,
- od 30 do 40 godina - 17,
- od 40 do 50 godina - sedam,
- od 50 do 60 godina - osam,
- 60 i više godina - pet,
- nepoznata starosna dob - dva lica.

3.4. UZROCI SAOBRAĆAJNIH NEZGODA

nepropisno izvođenje radnji u saobraćaju – 220 ili 23,58%,
neprilagođena brzina – 96 ili 10,29%,
nedržanje potrebnog odstojanja – 41 ili 4,39%,
kretanje vozilom unazad na kratkom dijelu puta – 40 ili 4,29%,
negiranje prvenstva prolaza – 14 ili 1,5%,
nedržanje vozila u kretanju što bliže desnoj ivici kolovoza – sedam ili 0,75%,
prolazak kroz crveno svjetlo – pet ili 0,54%,
uticaj alkohola – tri ili 0,32%,
nepropisno kretanje vozilom na raskrsnici – dva ili 0,21%,
mimoilaženje – dva ili 0,21%,
samopokretanje vozila – dva ili 0,21%,
nezaustavljanje vozila ispred pješačkog prelaza – jedan ili 0,11%,
propuštanje održavanja puteva – jedan ili 0,11%,
ostali uzroci – 499 ili 53,48%.

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom oktobra 2023. godine, policijski službenici Uprave policije MUP-a Kantona Sarajevo kontrolisali su:

- 17.802 vozila i vozača (2.101 manje),
- 10.513 lica u vozilima (1.938 više),
- pregledali 338 vozila (88 manje) i 225 lica u vozilima (92 manje).

Zbog tehničke neispravnosti, 34 vozila su isključena iz saobraćaja (pet manje), 345 vozača je zatečeno da upravlja vozilom pod dejstvom alkohola (40 manje), 423 osobe bez korištenja sigurnosnog pojasa (47 manje), 159 vozača bez položenog vozačkog ispita (20 manje), 57 vozača pod izrečenom zaštitnom mjerom (sedam manje), 477 vozača je zatečeno da koriste mobitel tokom vožnje (78 više), a 2.527 vozila je učestvovalo u saobraćaju bez važeće registracije (2.290 više). Zbog kršenja propisa iz oblasti sigurnosti saobraćaja uručeno je 19.886 prekršajnih naloga vozačima (219 ili 1,1% više), podneseno 238 zahtjeva za pokretanje prekršajnog postupka (devet ili 3,9% više) i registrovano 12 događaja s obilježjem krivičnog djela zbog ugrožavanja sigurnosti javnog prometa (jedan ili 9,1% više).

Policijski službenici Uprave policije su tokom oktobra 2023. godine, organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrsnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, zbog neprilagođene brzine i prekoračenja dozvoljene brzine kretanja vozila, izrečeno je 6.997 prekršajnih sankcija vozačima (4.174 ili 147,8% više), dok je za prolazak vozilom kroz raskrnicu na znak uključenog crvenog svjetla izrečeno 120 prekršajnih sankcija (12 ili 11,1% više).

Od višestrukih povratnika u činjenju prekršaja iz oblasti ZOOBS-a oduzeto je ukupno pet motornih vozila: PU Hadžići i Trnovo - dva, PU Centar, PU Novi Grad i PU Ilijaš - po jedno motorno vozilo.

MIRUJUĆI SAOBRAĆAJ I KONTROLA PJEŠAKA

Vozačima koji su vozila nedozvoljeno parkirali na javnim površinama, uručeno je 7.275 prekršajnih naloga (3.642 manje), upozorena su 133 vozača (107 manje), a specijalnim vozilom "pauk" premješteno je 211 vozila (113 više).

Zbog nedozvoljenog parkiranja, prekršajne naloge uručili su policijski službenici: PU Stari Grad - 1.894, PU Novi Grad - 1.451, PU Centar -1.424, Jedinica za saobraćaj - 807, PU Novo Sarajevo -777, PU Ilidža - 465, PU Vogošća - 294, PU Hadžići i Trnovo - 90 i PU Ilijaš - 73.

Pješacima koji su kršili propise uručeno je 346 prekršajnih naloga (192 više), a upozoreno je šest pješaka (12 manje).

4. ZAKONITOST U RADU

Tokom oktobra 2023. godine, registrovan je jedan pojedinačni napad na policijske službenike Uprave policije MUP-a Kantona Sarajevo - PU Novi Grad (nije bilo u uporednom periodu). U napadima je učestvovalo jedno punoljetno lice koje je koristilo motorno vozilo.

Zaprimljene su 34 predstavke na rad policijskih službenika Uprave policije MUP-a Kantona Sarajevo i pet saznanja iz službe, što čini ukupno 39 predmeta.

Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki (šest manje), provede unutrašnja istraga, za 24 predstavke je odlučeno da se izvrše provjere i prikupi dokumentacija, dok su dvije predstavke pripojene već postojećem spisu.

Od pet saznanja iz službe, za četiri se vodi unutrašnja istraga, dok se za jedan slučaj vrše provjere.

Okončano je 11 unutrašnjih istraga među kojima su četiri istrage osnovane, dvije su neosnovane, za tri nije bilo dovoljno dokaza, u jednom slučaju stranka je odustala od žalbe, dok je u jednom slučaju interni postupak prekinut.

5. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom oktobra preduzimali aktivnosti u cilju uspostavljanja saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama.

Aktivnosti policijskih službenika bile su usmjerene na implementaciju javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokane zajednice i policije.

S tim u vezi, tokom oktobra realizovane su edukativne radionice za djecu predškolskih ustanova, učenike osnovnih i srednjih škola na području Kantona Saraje o temama:

- „Stop vršnjačkom nasilju“ – za 1.066 učenika osnovnih škola,

- „Cyberbullying“ – za 2.079 učenika osnovnih škola,
- „Cyberbullying“ – za 47 učenika srednjih škola,
- „Dijete u saobraćaju“ – za 2.602 učenika osnovnih škola,
- „Policajac moj prijatelj“ i „Dijete u saobraćaju“ – za 209 djece predškolskog uzrasta,
- „Stop drogama“ – za 75 učenika srednjih škola,
- „Držanje i nošenje oružja“ – za 40 članova Lovačkog društva „Srednje“

U izvještajnom periodu vodile su se evidencije o poštivanju izrečenih zaštitnih mjera od strane Općinskog suda u Sarajevu iz oblasti nasilja u porodici. Policijski službenici izvršili su obilazak 180 žrtava nasilja u porodici, kako u njihovim domovima, tako i one koje su bile smještene u „Sigurne kuće“, radi osiguranja poštivanja izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja. Pri obilascima utvrđeno je prekršeno pet izrečenih zaštitnih mjera za koje je nadležna policijska uprava podnijela zahtjev za pokretanje prekršajnog postupka.

6. MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u oktobru 2023. godine, u prihvatnim, azilantskim i imigracionim centrima boravi cca 570 migranata (1.464 ili 72% manje). Tokom oktobara 2023. godine migranti su učestvovali u četiri događaja s obilježjem krivičnog djela (jedan ili 33,3% više) i to:

- *Teška tjelesna ozljeda (čl. 172. KZ FBiH)- dva događaja,*
- *Lahka tjelesna ozljeda (čl. 173. KZ FBiH)- jedan i*
- *Razbojništvo (čl. 289. KZ FBiH) – jedan događaj*

Policijski službenici Uprave policije MUP-a Kantona Sarajevo su u oktobru 2023. godine kontrolisali pet migranata.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI
NA PODRUČJU KANTONA SARAJEVO U OKTOBRU 2023. GODINE**

MJESEC OKTOBAR 2023. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	570
UKUPAN BROJ KONTROLISANIH MIGRANATA	5
BROJ MIGRANATA LIŠENIH SLOBODE	0
BROJ KRIVIČNIH DJELA POČINJENIH OD STRANE MIGRANATA	4
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	0
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	0

Sarajevo, 20.11.2023. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s javnošću